

PRIMLJENO	02.03.2023.		
Služ. primljeno	Služ. poslano	Redov. list	Izuj. priloga
		1579	

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA MAGLAJ
OPĆINSKA IZBORNA KOMISIJA
Broj: OIK-11/23
Maglaj, 02.03.2023. godine

OPĆINA MAGLAJ

- SLUŽBA OPĆINSKOG NAČELNIKA I OPĆINSKOG VIJEĆA MAGLAJ

PREDMET:

- Izvještaj o radu Općinske izborne komisije Maglaj za 2022. godinu
- Program rada Općinske izborne komisije Maglaj za 2023. godinu

Poštovani,

U prilogu dostavljamo navedene Akte Općinske izborne komisije Maglaj.

PRILOG:

- Izvještaj o radu Općinske izborne komisije Maglaj za 2022. godinu
- Program rada Općinske izborne komisije Maglaj za 2023. godinu



PREDSJEDNIK OIK MAGLAJ
Armin Bašić, mag.iur.

1. The first part of the document discusses the importance of maintaining accurate records of all transactions. It emphasizes that this is crucial for ensuring the integrity of the financial statements and for providing a clear audit trail.

2. The second part of the document outlines the specific procedures that should be followed when recording transactions. It details the steps from identifying the transaction to posting it to the appropriate ledger account.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA MAGLAJ
OPĆINSKA IZBORNA KOMISIJA
Broj: OIK-9/23
Maglaj, 02.03.2023. godine

IZVJEŠTAJ O RADU OPĆINSKE IZBORNE KOMISIJE MAGLAJ ZA 2022. GODINU

Općinska izborna komisija Maglaj (u daljem tekstu: OIK Maglaj) prema Izbornom zakonu BiH, obavlja sljedeće aktivnosti:

1. nadgleda i kontroliše rad Centra za birački spisak
2. određuje biračka mjesta na području općine za glasanje na svim nivoima vlasti u Bosni i Hercegovini
3. provodi postupak imenovanja, imenuje i obučava članove biračkog odbora,
4. brine o sigurnosti i dostavi biračkim odborima izbornog materijala za glasanje na svim nivoima izbora u Bosni i Hercegovini,
5. obavještava birače o svim informacijama neophodnim za provedbu izbora, u skladu sa propisima Centralne izborne komisije BiH,
6. odgovorna je za uređenje biračkog mjesta i druge tehničke pripreme za izbore,
7. odgovorna je za pravilno brojanje glasačkih listića na biračkim mjestima i u općinskim centrima za brojanje,
8. objedinjuje rezultate izbora sa svih biračkih mjesta u općini, posebno za svaki organ za koji je vršen izbor, i dostavlja ih Centralnoj izornoj komisiji BiH i
9. obavlja druge poslove u skladu sa zakonom i propisima Centralne izborne komisije BiH.

Imajući u vidu gore navedene nadležnosti u nastavku izvještaja donosimo kratak pregled najznačajnijih izbornih aktivnosti koje su provedene od strane OIK Maglaj u 2022. godini.

1. SASTAV/ ČLANOVI OPĆINSKE IZBORNE KOMISIJE MAGLAJ

U 2022. godini došlo je do izmjene u broju članova OIK Maglaj, te je uz dotadašnja tri člana OIK Maglaj (Ninković Mario, Maglica Josip i Bašić Armin) u radu OIK Maglaj su učestovala i dva zamjenska člana (Havić Mubera i Valjevac Dijana) koje su svoje dužnosti obavljale do novembra 2022. godine. Trenutno OIK Maglaj broji 2 člana, iz razloga što je krajem septembra 2022. godine, Ninković Mario podnio ostavku na mjesto člana OIK Maglaj, te je i ostatak izbornog perioda proveden sa 4 člana. U 2022. godini OIK Maglaj nije imala sekretara, već su te poslove obavljali članovi OIK Maglaj i uposlenici Centra za birački spisak Maglaj.

2. BIRAČKA MJESTA

OIK Maglaj je u zakonom propisanom roku odredio 32 biračka mjesta, jedno biračko mjesto za glasanje u odsustvu i za glasanje nepotvrđenim glasačkim listićima, te jedan mobilni tim. Za objekte u kojima su bila biračka mjesta izabrane su škole, prostorije mjesnih zajednica, društveni domovi, te privatni poslovni prostori. Kao i na prethodnih izborima, 5 biračkih mjesta je bilo smješteno u privatnim poslovnim prostorima. Sa vlasnicima privatnih poslovnih prostora su sklopljeni ugovori o zakupu. Važno je napomenuti da je OIK Maglaj izvršio krajnji napor da zadrži postojeće lokacije biračkih mjesta, s obzirom da su određene promjene u pravilnicima uzrokovale određene i promjene koje su se odnosile na uslove u prostorijama koje su bile određene kao biračka mjesta.

3. IMENOVANJE I OBUKA BIRAČKIH ODBORA

OIK Maglaj je izvršio u zakonom predviđenom roku imenovanje članova biračkih odbora, dok je određeni broj zamjenika članova biračkih odbora ostao nepopunjen, iz razloga što nismo imali dovoljno zainteresovanih osoba za rad u biračkim odborima. Obuka članova biračkih odbora izvršena je od strane članova OIK Maglaj.

OIK Maglaj je imao poteškoća sa velikim brojem odustajanja od članstva u biračkim odborima, te je OIK Maglaj uložila velike napore kako bi adekvatno popunila biračke odbore.

4. AKREDITOVANJE POSMATRAČA

OIK Maglaj je izvršio akreditovanje svih predloženih posmatrača, te dostavio uredno popunjenje iskaznice za sve posmatrače zajedno sa odlukom o imenovanju posmatrača svim političkim subjektima koji su predložili posmatrače. Rad biračkih odbora su pratili i posmatrači nevladinih organizacija, kao i međunarodni posmatrači.

5. PROCES GLASANJA

Sva biračka mjesta su bila uredno i adekvatno pripremljena za proces glasanja.

Svi birački odbori su na vrijeme u 07,00 sati otvorili, te u 19,00 sati zatvorili biračka mjesta. Proces glasanja je prošao bez većih poteškoća i incidenata na biračkim mjestima, osim na jednom biračkom mjestu, gdje je došlo do pogrešnog potpisivanja od strane birača, ali je i taj problem u saradnji sa PU Maglaj uspješno otklonjen, te je uz kraću obustavu glasanja, glasanje uspješno nastavljeno.

6. UNOS I OBRADA IZBORNIH REZULTATA

Na unosu i obradi izbornih rezultata, pored zaposlenika Centra za birački spisak bili su angažovani i članovi općinske administracije. Važno je istaknuti da osobe koje su radile na unosu i obradi podataka su svoj posao obavile korektno.

7. KOMUNIKACIJA SA POLITIČKIM SUBJEKTIMA

OIK Maglaj je svoje akte objavljivao na službenoj stranici Općine Maglaj, te na oglasnoj tabli Općine Maglaj. Veći broj akata je objavljen i na RTV Maglaj. OIK Maglaj je sve akte koji se odnose na političke subjekte dostavljao i putem e-maila političkim subjektima.

8. KORIŠTENJE NOVČANIH SREDSTAVA OPĆINE MAGLAJ

U cilju transparentnosti trošenja novčanih sredstava, OIK Maglaj je podnosio obrazložene pismene zahtjeve za svaki pojedinačni transfer Općinskom načelniku i nadležnoj općinskoj službi, te je nakon izvršenih isplata dostavljao nadležnoj službi Akt sa dokazima kojima je pravdan utrošak dobijenih sredstava.

9. EDUKACIJE I SASTANCI

U toku 2022. godine članovi OIK Maglaj su učestvovali na brojnim obukama održanim od strane CIK BiH. Pored članova OIK Maglaj i kontrolori izbornih rezultata su bili obavezni da prisustvuju obukama koje su održane za kontrolore, kao i provjerama znanja koje je CIK BiH propisala kako za članove OIK, tako i za kontrolore izbornih rezultata. Važno je istaknuti da su određene edukacije održane i putem platforme Zoom. Pored edukacija organizovanih od strane CIK BiH, OIK Maglaj je održala i sastanke sa predstavnicima međunarodnih posmatrača, međunarodnim posmatračima koji su bili zaduženi da posmatraju Opće izbore 2022. godine u Maglaju, komandantom Turskog bataljona EUFOR-a, komandirrom PS Maglaj, kao i sa predstavnicima medija.

10. OBAVEZE OPĆINE MAGLAJ PREMA ČLANOVIMA OIK MAGLAJ

Na kraju izvještaja, posebno navodim činjenicu da je Općina Maglaj nezakonito i neosnovano isplaćivala manji iznos članovima OIK Maglaj, te su određeni članovi OIK Maglaj dobili pravosnažne i izvršne presude u svoju korist. I pored pravosnažnih i izvršnih presuda nastavljena je praksa manje isplate naknada od propisima predviđene, te je time prouzrokovana materijalna šteta članovima OIK Maglaj, a za koju Općina Maglaj uprkos obraćanju od strane OIK Maglaj nije izvršila isplatu razlike u odnosu na isplaćenu naknadu, te članovima OIK Maglaj ne preostaje ništa drugo nego da pojedinačno tuže Općinu Maglaj radi isplate iznosa za koji su oštećeni.

Napomene radi, ovaj izvještaj dostavljamo radi informisanja Općinskog Vijeća Općine Maglaj, jer je odredbom člana 2.9 stav (1), tačka 1. Izbornog zakona BiH („Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 17/14, 31/16, 41/20 i 38/22) predviđena isključiva nadležnost Centralne izborne komisije BiH da koordinira, nadgleda i regulira zakonitost rada svih izbornih komisija i biračkih odbora u skladu sa Izbornim zakonom BiH, te je odredbom člana 5. Upustva o načinu rada i izvještavanja izborne komisije osnovne izborne jedinice u Bosni i Hercegovini (broj:05-1-02-2-628-1/16 od 26.05.2016. godine) utvrđeno da je izborna komisija obavezna do 31.01 tekuće godine dostaviti Centralnoj izbornoj komisiji BiH izvještaj o radu za prethodnu godinu.

DOSTAVLJENO:

1. Općinsko vijeće
2. Arhiva



PREDSJEDNIK OIK MAGLAJ

Armin Bašić, mag.iur.

